



讀杜詩愚得卷之十六

冬

古剡單·復陽元讀

大曆三年正月杜子去夔出峽三月至江陵秋晚遷公安
冬之岳陽

元日示宗武

汝帝吾手戰吾笑汝身長處逢正月迨滯遠方飄零還柏
酒衰病只蒸床訓諭青衿子名慙白首郎賦詩猶落筆獻壽更
稱觴不見江東弟高歌淚數行

公自註弟豐在江左無消息○詩示子言汝傷吾老而手戰

吾笑尔大而身長奈何著處逢正月而非故里雖飄零之際
還斟柏酒而衰病之餘只據蒸床今也訓諭尔青衿子然而
名慙我白首郎且我猶能落筆以賦詩尔須更稱觴而獻壽

奈何不見江東弟是以高歌而淚垂耳賦也

又示宗武

竟向新知律攤書解滿床試吟青玉案莫帶紫羅囊假日後時
飲明年共我長應須飽經術已似慶文章十五男兒志三千第
子行曾參與游夏達者得升堂

朱曰張平子詩美人贈我錦繡段何以報之青玉案晉謝玄
少好佩紫羅香囊姊父安患之而不欲傷其意曰戲賭取之
於此遂止○詩又示子言其能竟向攤書矣惟試吟好詩莫
好美飾戒勉之詞也次言汝今長成假日許尔飲酒非時勿
飲尔能竟向攤書已似慶文章矣惟應飽經術斯能成人文
章小技耳亦戒勉之詞末章言十五男兒志當如三千弟子
之學於聖門如曾子游夏之升堂斯可矣賦也

遠懷舍弟穎觀等

陽翟空知處荆南近得書積年仍遠別多難不安居江漢春風
起冰霜昨夜除雲天猶錯莫老萼尚蕭疎對酒都疑夢吟詩正
憶渠舊時元日會鄉黨羨吾廬

鶴曰陽翟縣屬許州穎在焉荆南即江陵觀取妻子到彼○
詩言二弟一知在陽翟而不得書一得江陵之書而未相見
蓋多難不得安居而積年遠別不能不懷思之耳中四句言
天時地理人事之不齊是以對酒都如夢吟詩正憶渠者蓋
以向時吾家元日會為鄉黨所羨今也兄弟流落它鄉視往
昔為何如哉又烏得不懷思而悲悵耶賦也

太歲日

楚岫行將老巫山坐復春病多猶是客謀拙竟何人閭闔開黃

道衣冠拜紫宸榮光懸日月賜子出金銀愁寐鷓鴣行新參差虎
穴鄰西江元下蜀北斗故臨秦散地逾高枕生涯脫要津天邊
梅柳樹相見樂回新

鶴曰按史大曆三年歲次戊申正月丙午朔則初三日為太
歲日也○首自言久客憂楚將老多病謀拙不如人次言先
朝此日禮數之盛如此今也自蜀下變與虎穴為鄰是以愁
寐鷓鴣行之已斯空仰北斗之臨長安耳末言吾生脫要津而
居散地往來與天邊梅柳相見而已歎其流落不得與朝列
亦賦也

喜聞盜賊蕃寇摠退口踰五百

蕭關龍水入官軍青海黃河卷塞雲北極轉愁龍虎氣西戎休
終大羊羣

替魯多教使入秦數通和好止煙塵朝廷之用哥舒將殺伐虛
悲公主親

崆峒西極過崑崙馳馬由來擁國門逆氣數年吹路斷蕃人聞
道漸星奔

勃律天西采玉河聖昆碧盤取來多舊隨漢使千堆寶少答胡
王萬匹羅

今春喜氣滿乾坤南北東西拱至尊大曆三年調玉燭玄元皇
帝聖雲孫

趙曰爾雅四氣和謂之玉燭又釋曰孫之子為雲孫

續得觀書迎就當陽居止正月中旬定出三峽

自汝到荆府書來數喚吾頌林添韻詠焚火上歡娛舟楫因人
動形骸用杖扶天旋慶子峽春近岳陽湖幾日排南喜傷神散

北吁飛鳴。遂接翅行。岸密衝蘆。俗薄江山。好時危草。木蘇馮唐。雖晚達終。親在皇都。

鶴曰富陽縣屬江陵府

江梅

梅蕊臘前破。梅蕊年後多。絕知春意早。最奈客愁何。雪樹元同色。江風亦自波。故園不可見。巫岫鬱嵯峨。

此公在夔見梅蕊因歎春已回而客未回故曰絕知春意早最奈客愁何三聯應題及起語末章應次聯興也

庭草

楚草經寒碧。庭春入眼濃。舊低收葉舉。新捲捲牙重。步履宜輕過。開筵得屢供。看花隨節序。不敢強為容。

言楚地之草經寒猶碧况庭前得春之草而生意滿眼矣於

是形容草之生長言舊葉低垂者收斂而新葉舉矣新牙出土而一捲一卷者重矣矣過庭者步宜輕勿踐履以傷之誠若是倘開筵亦得屢以供目若看花則各隨節序不敢強為容矣賦也

將別巫峽贈南卿兄瀼西果園四十畝

苔竹素所好。萍蓬無定居。遠遊長兒午。幾地別林廬。雜菜紅相對。他時錦不如。具舟將出峽。巡圃念攜鋤。正月喧鶯未。茲辰放鷄初。雪羅梅可折。風柳嫩舒託。贈卿家有回。歌野興疎殘。生逗江漢何處狎。推漁

首四句自言客居不定幾處別其林廬次言其園多雜菜今將出峽故巡行以念荷鋤之勤承上以起下次又言此園梅柳已得春惟鶯未鳴而舟將行矣故此園託贈南卿兄為君

家所有曰歌我之野興後此疎矣且我之餘生逗留江漢間
又未知何處狎樵漁耳結首節意賦也

送大理封主簿五郎親事不合却赴通州主簿前閩州
賢子余與主簿平章鄭氏女子垂欲納采鄭氏伯父京
書至女子已許他族親事遂停

禁衛去東床趨庭赴北堂風波空遠涉琴瑟幾虛張渥水出騏
驎崑山生鳳凰兩家誠款中道許蒼頗謂秦晉匹後來王
謝郎青春動才調白首缺輝光玉潤終孤立珠明得闇藏餘寒
折危卉恨別滿江鄉

朱曰晉孝武帝為晉陵公主求婚謂王珣曰主婚但如劉真
長王子敬便足珣對曰謝琨雖不及真長不減子敬未幾帝
崩而袁宏欲以女妻琨琨曰卿莫近禁衛初元帝始鎮建業

公私寤齋每得一豚以為珍膳項上一鬻尤美輒以薦帝時
呼為禁衛故珣曰以為戲琨竟尚主都監使門生求女婿於
王導令就東廂徧觀子弟門生歸謂鑿曰王氏諸少並佳
然聞信至咸自矜持惟一人在東床坦腹食獨若不聞鑿曰
此正佳婿訪之乃羲之也遂以女妻之晉樂廣以女妻衛玠
議者以為婦翁冰清女婿玉潤

大曆三年春白帝城放船出瞿唐峽久居夔府將適江
陵漂泊有詩凡四十韻

老向巴人裏今辭楚塞隅入舟翻不樂解纜獨長吁
狖虛隨亂石鳥石苔凌几杖空翠撲肌膚疊嶂排霜劍奔泉
水珠杏冥藤上下濃淡樹榮枯神女峰娟妙昭君宅有無
曲笛明怨惜草盡失歡娛擺闔盤渦沸敬斜激浪輸風雷纏地脉冰

雪曜天衢，狼角真走險。狼頭如跋胡，惡難寧變色。高卧負微軀，
書史全傾挽。袞囊半厭濡，生涯臨臬元。死地脫斯須，不有平川
決。馬知衆壑趨，乾坤羅張海。雨露洗春蕪，鷗鳥牽絲鷓。龍濯
錦紵落霞沉，綠綺殘月壞。金樞泥菴苞，初荻沙茸出。小蒲鴈兒
爭水馬，燕子逐檣烏。絕島容煙霧，環州納曉晡。前聞辨陶牧，轉
眄拂宜都。縣郭南畿好，津亭北望孤。勞心依憇息，朗詠劃昭蘇。
意遣樂環笑，衰迷賢與愚。飄蕭將素髮，汨沒聽洪鑪。丘壑曾忘
返，文章敢自誣。此生遭聖代，誰分哭窮途。卧疾淹為客，蒙恩早
厠儒。廷爭酬造化，襟直乞江湖。艷預險相迫，滄浪深可逾。浮名
尋已，賴計却區區。喜近天皇寺，先披古畫圖。應經帝子渚，同
泣舜蒼梧。朝士兼戎服，君王按湛盧。虎頭初帥擾，鷓首屢泥塗。
甲卒身雖貴，書生道固殊。出塵皆野鶴，歷塊匪轅駒。伊呂終難

降韓彭不易呼，五雲高大甲。六月曠搏扶，回首黎元病。爭權將
帥誅山林，託疲芥未必免崎嶇。

公自註：鹿角狼頭二灘名。又天皇寺有晉王右軍書張僧繇
畫孔子十指形像，誅曰左傳鄭子家曰：小國之事，大國不德，
則其鹿也。鋌而走險，急何能擇。詩：狼跋其胡，王祭登樓賦：北
弥陶牧。註：鄉名，宜都峽州也。定功曰：九歌帝子降兮，北渚註
帝子堯二女，史：舜死於蒼梧之野，湛盧越王劍名。晉志：昂為
旄頭，明星也。書胤征，蚺擾天紀，鷓首，雍州秦分野。伊呂，韓彭
謂伊尹呂望。韓信彭越也。莊子：鵬之徙於南溟也，搏扶搖而
上者九萬里，去以六月息者也。太甲：欠考出處，意猶太初太
始之義，謂九霄之上也。○此詩大抵言久居夔府，將適江陵，
放舟出瞿唐峽，乃歎世難未定，自傷漂泊之苦耳。賦也。首四

句言久居憂府今將放舟出峽其曰翻不樂獨長吁者蓋臨別不可為懷也次自窄轉至失歡娛言放舟水勢屈曲平易而竟物可觀也次自擺盪至脫斯須言放船水勢險惡息兀而事勢可畏也次自不有平川決至轉眄拂宜都言見平川方知衆壑之奔趨靈張海洗春燕鷗鳥驟龍落霞殘月荻筭蒲茸鴈兒燕子絕島環洲已上皆書目前所歷景物以自寬也辨陶牧望江陵也拂宜都過夷陵也次言縣郭之南畿雖好然於津亭北望而傷羈孤故係憇息以勞心劃昭蘇而朗詠次四句公自言遣憂意而哀老泪沒一聽之命也次自言丘壑何曾忘反文章不敢自誣且生逢聖世孰有窮途之笑哉但卧疾雖淹為客然早廁儒者之列而蒙恩故廷爭以酬造化乞江湖以全朴直於是經灑瀕歷滄浪浮名已無心

於功名也懶計區區不能不營養生之計也近天皇寺則披畫圖經帝子渚則泣蒼梧言經歷以覽古跡也次言君臣皆戎服按劔者曰羯胡之陷長安也次言書生申卒之道不同若野鶴轅車之出塵歷由也次言伊呂韓彭之難下若五雲之在九霄大鵬之徙南溟豈易致哉故回首黎元困誅求而憔悴將帥爭權勢而屠戮時既若是雖欲托山林以養疲茶然亦未免崎嶇之苦蓋言無地可容身也

巫山縣外州府使君十八弟某弟某弟携酒樂相送
率題小詩留于屋壁

卧病巴東久今年
杖聽歌淚滿衣
諸公不問
日倍多違接宴身無

春夜
留宴得筵字

北。三。更。席。高。三。船。杖。藜。登。水。榭。揮。翰。宿。春。天。白。髮。頭。多。
酒。明。星。惜。此。蓬。始。知。雲。雨。峽。忽。盡。下。牢。邊。

寄族弟唐十八使君

與君陶唐後。盛族多其人。聖賢冠。藉枝。沙。羅。源。津。在。今。最。嘉。
落。巧。偽。莫。敢。親。介。立。是。吾。弟。濟。時。肯。殺。身。物。白。諱。堯。玷。行。高。無。
汙。真。得。罪。永。泰。未。放。之。五。溪。濱。鸞。鳳。有。銜。翻。先。儒。曾。抱。麟。雷。霆。
霹。長。松。骨。大。却。生。筋。一。失。不。足。傷。念。子。孰。自。珍。泊。舟。楚。宮。岸。戀。
關。浩。酸。辛。除。名。配。清。江。麻。土。巫。峽。奔。登。陸。將。首。途。筆。札。在。所。申。
歸。朝。踴。病。師。叙。舊。思。重。陳。春。風。洪。濤。壯。谷。轉。頗。彌。旬。我。能。汎。中。
流。擔。突。鼉。獺。真。長。年。已。省。施。慰。此。貞。良。臣。

深曰左傳范宣子曰昔句之祖自虞以上為陶唐氏在夏為
御龍氏在商為豸韋氏在周為唐杜氏晉主夏盟為范氏鄭

曰水經云武陟有五溪謂雄溪楠溪西溪沅溪辰溪是也
夷子孫顏延年詠枯中散詩鸞翻有時銜施州為清江部○
首言吾與君比陶唐之後聖賢支汾在今最嘉落絕巧偽而
介立濟時肯殺身者實惟吾弟耳賦也大抵物白行高不肯
受玷汙真是以得罪放棄比而賦也且鳳皇聖人亦不免銜
翻泣麟况長松亦被雷震今子得罪不足傷惟熟思以自珍
重耳今泊舟楚岸繼關而浩乎悲辛者以除名配清江實與
巫峽為鄰登陸將首途而枉書札比而賦也然我欲歸朝而
病肺故叙舊思有所重陳白春風濤壯谷轉涉旬我能汎中
流擔突鼉獺之噴且舟人已省施將一見以慰尔貞良之臣
賦也

泊汾滋江亭。

士詩卷二下

紗帽隨鷗鳥扁舟繫此亭。江湖深更白松竹遠還青。一柱金應
近高唐莫再經。今宵南極外甘作老人星。

言扁舟隨鷗而泊此亭次聯承之次言去荊州則近而高唐
不再來夫何哉自今已後甘作老人星於南極之外故尔賦
也。

行次古城店泛江作不揆鄙拙奉呈江陵幕府諸公

走羊常道路。遲日復山川。白屋花開裏。孤城麥秀邊。齊江元自
閑。下水不勞牽。風蝶動依棹。春鷗懶避船。王門高德業。幕府盛
材賢。行色無多病。蒼茫况夢前。

公自註時陽城郡王衛伯玉為江陵節度使。首四句行次
古城店之景物。次四句泛江之景物。末四句奉呈江陵幕府
諸公。目訴行色蕭然且多病而冀其見憐耳。賦也。

乘雨入行軍六弟宅

曙角凌雲罷。春城帶雨長。水蒼分。暫弱巢燕得泥忙。令弟雄軍
佐。凡材巧省郎。萍漂忍流涕。衰颯近中堂。

鶴曰時杜位為江陵行軍司馬。首四句言春城朝雨之景
物。末四句稱美六弟之賢而自述飄零衰老之情。話應題意
賦也。

上巳日徐司錄林園宴集。

鬢毛垂領白。蒼藻亞枝紅。敬倒衰年慶。招尋令節同。薄衣臨積
水。吹面爽和風。有喜留攀桂。無勞問轉蓬。

朱曰潘岳賦斑鬢影以承弁弓。素髮瑣以垂領。劉安招隱士
云攀接桂枝兮聊淹留。首言髮白蒼紅而語不衰。諷乃承
之曰我以老年而慶。邀遊公以令節而招。宴集次言上巳天

紗帽隨鷗鳥扁舟繫此亭江湖深更白松竹遠還青一柱金應
近高唐莫再經今宵南極外甘作老人星

言扁舟隨鷗而泊此亭次聯承之次言去荊州則近而高唐
不再來夫何哉自今已後甘作老人星於南極之外故尔賦
也

行次古城店泛江作不揆鄙拙奉呈江陵幕府諸公

走羊常道路遲日復山川白屋花開裏孤城麥秀邊齊江元自
關下水不勞牽風蝶動依棹春鷗懶避船王門高德業幕府盛
材賢行色無多病蒼茫况夢前

公自註時陽城郡王衛伯玉為江陵節度使○首四句行次
古城店之景物次四句泛江之景物末四句奉呈江陵幕府
諸公目訴行色蕭然且多病而冀其見憐耳賦也

乘雨入行軍六弟宅

曙角凌雲罷春城帶雨長水巷分軒弱巢燕得泥忙令弟雄軍
佐凡材巧省郎萍漂忍流浮衰颯近中堂

時杜位為江陵行軍司馬○首四句言春城朝雨之景
物末四句稱美六弟之賢而自述飄零衰老之情該應題意
賦也

上巳日徐司錄林園宴集

鬢毛垂領白蒼蘂亞枝紅敬倒衰年慶招尋令節同薄衣臨積
水吹面爽和風有喜留攀桂無勞問轉蓬

朱曰潘岳賦斑鬢影以承弁弓素髮頤以垂領劉安招隱士
云攀接桂枝兮聊淹留○首言髮白蒼紅而語不衰諷乃承
之曰我以老年而慶遨遊公以令節而招宴集次言上巳天

氣時服卒章言司錄留我攀桂則有喜問我轉蓬則無勞賦也

宴胡侍御書堂

江湖春欲暮墻宇日猶微閣上書籍滿輕衣
素墨客興無違今夜文星動吾儕醉不歸

公自註李尚書之芳鄭祕監審同集得歸字
漢楊雄作長楊賦藉翰林以為主人子墨為客卿以風
○首句生第四句言春莫而第三句承次句言書堂及晚景三聯美主賓之賢而以今夜文星醉不歸結之賦也

書堂飲既夜復邀李尚書下馬月下賦絕句

湖上林風相與清殘樽下馬復同傾
文判野鶴如雙鬢遮莫隣雞下五更

藏書遮莫俚語猶言儘教也

江南逢李龜年

岐王宅裏尋常見崔九堂前幾度聞
正是江南好風景落花時節又逢君

釋曰世之岐王範睿宗子然以開元十四年薨此是嗣岐王

玠也 **公自註**崔九即殿中監崔綸中書令湜之弟

南征

春岸桃花水雲帆楓樹林偷生長避地
遙遠更添襟老病南征日君思北望心
百年歌自苦未見有知音

言春水漲而舟行乃自傷偷生適遠者何哉我雖老病南征而君思不能自忘故尔末章其自傷也至矣賦也

地隅

江漢山重阻風雲地一隅年久非故物處之是窮途喪亂秦公
子悲涼楚大夫平生心已折行路日荒蕪

謝靈運擬魏公子鄴中詩序王祭家本秦川貴公子孫
遭亂流寓自傷情多楚大夫屈原宋王也○言江漢之間乃
地之一隅而重之山阻自蜀至荊州固非一年亦非一處故
云然蓋曰遭亂悲涼如王祭屈宋輩自不已于行而心折矣
賦也

歸夢。

道路時通塞江山日寂寥偷生惟一老伐叛已三朝雨急青楓
暮雲深黑水遙夢歸未得不用楚辭招

趙曰楚地多楓木黑水在鄆杜之間去長安近○言兵亂涉
三朝而未息是以道路時通時塞而江山寂寥故我避地偷

生于此當雨急青楓之暮夢歸鄆杜之黑水而道梗不得歸
何必楚詞招之耶賦也

奉送蘇州李二十五長史丈之任

星坼台衡地曾為人所憐公侯終必復經術竟相傳食德見從
事克家何妙年一毛生鳳穴三尺獻龍泉赤壁浮春暮姑蘇落
海邊客間頭最白惆悵此離筵

趙曰晉張華傳少子驥以中台星坼勸華遜位華不從竟被
害今以言李長史之父惜乎無所考漢成帝時謠曰桂樹華
不實黃鸝巢其顛故為人所羨今為人所憐左傳公侯之子
孫必復其始易食舊德貞厲或從王事又子克家○首四句
叙其家世次四句美其能克家且以承上起下末四句叙別
而自傷衰老賦也

暮春江陵送馬大卿公恩命追赴關下

自古求忠孝名家信有之吾賢富才術此道未磷緇王府標孤
暎霜踏去不疑激揚音韻徹藉其衆多推潘陸應同調孫吳亦
異時北宸徵事業南紀赴恩私卿月昇金掌王春度玉墀薰風
行應律湛露即歌詩天意高難問人情老易悲樽前江漢閣後
會且深期

洙曰後漢韋彪議曰求忠臣必於孝子之門潘岳陸機

孫武吳起書卿士惟月詩湛露天子燕諸侯也○首四

句言求忠臣於孝子之門况大卿又富才術真不忝矣次四

句以玉馬喻其才而薦之者衆次四句以潘陸孫吳比其才

術而朝廷徵用之言恩命自江陵追赴關次四句言大卿赴

關必昇用其入見至尊必當夏月而賜宴歌詩也未叙別且

言天意難測而人情老易悲者以道遠後會未可卜故尔賦
兼比也

暮春陪李尚書李中丞過鄭監湖亭泛舟得過字

海內文章伯湖邊意緒多玉樽移晚興桂楫帶酣歌春日繁魚
鳥江天足菱荷鄭莊賓客地表白遠未過

蟹殼行

天下郡國向萬城無有一城無甲兵焉得鑄甲作農器一寸荒
田牛得耕牛盡耕田蟹蝨亦成不勞烈士淚滂沱男穀女絲行復

歌

三絕句

前年渝州殺刺史今年開州殺刺史羣盜相隨劇虎狼食人更
肯留妻子

鶴曰唐志渝州屬劍南開州屬山南

二十一家同入蜀唯殘一人出駱谷自說二女齧齒臂時迴頭却向秦雲哭

希曰唐志鳳翔府蓋屋縣有駱谷關

殿前兵馬雖驍雄縱暴略與羌渾同聞道殺人漢水上婦女多在官軍中

師曰時天子命陸瓊以三千神策軍彈壓蜀中之亂羌渾謂吐谷渾本西羌之種也

和江陵宋大少府暮春雨後同諸公及舍弟宴書齋

渥洼汗血種天上麒麟兒才士得神秀書齋聞爾為棖華晴雨好練服暮春宜朋酒日歡會老夫今始知

誠齋曰此幾諸公不見招耳

宇文晁尚書之甥崔或司業之孫尚書之子重次鄭監

前湖

郊扉俗遠長幽寂野水春來更接連錦席淹留還出浦葛巾散側未迴船樽當霞綺輕初散棹拂荷珠碎却圓不但習池歸酌酉君看鄭谷去黃緣

惜別行送向卿進奉端午御衣之上都

肅宗昔在靈武城指揮猛將收咸京向公泣血灑行殿佐佑卿相乾坤平逆胡冥冥隨煙燼卿家兄弟功名震麒麟閣畫鴻鴈行紫極出入黃金印尚書勲業超千古雄鎮荊州繼吾祖裁縫雲霧成御衣拜跪題封賀端午向卿將命寸心赤青山落日江湖白卿到朝廷說老翁漂零已是滄浪客
鶴曰尚書謂衛伯玉也時為荊南節度江陵尹吾祖杜預也

夏日楊長寧宅送崔侍御常正字入京探韻得深字
醉酒揚雄宅并堂人賤琴不堪垂光鬢還對欲分襟天地西江
遠星辰北斗深烏臺俯麟閣長夏白頭吟

鶴曰唐志長寧縣屬鎮北大都護府希曰唐改祕書省為麟閣

夏夜李尚書遊送宇文石首赴縣聯句

愛客尚書重之官宅相賢甫酒香傾座側帆影駐江邊之秀程

表郎官瑞冕看令宰仙或雨稀雲葉斷夜久燭花偏甫數語教

紗帽高文擲綵綫之秀典饒行處樂離惜醉中眠或單父長多

暇河陽實少年甫客居逢自出為別幾凄然之秀

涿曰書羽賦夏翟註翟雉名漢蕭望之為郎有雉數十常隨

車翔集左傳晉侯曰康公我之自出也

多病執熱奉懷李尚書之秀

衰年正苦病侵陵首夏何須氣懋蒸大水淼茫炎海接奇峰肆
元火雲升思霑道暘黃梅雨敢望宮息玉井冰不是尚書期不

願山陰野雪興難乘

趙曰唐制百官賜冰漢陳遵每飲賓客輒關門取客車轄投

井中雖有急終不得去時北部刺史奏事過遵值其方飲刺

史大窮候導霑醉時突入見遵母叩頭自白當對尚書有期

會狀母乃令從後閣出默翁曰詩言老病交攻而苦熱次承

氣鬱蒸而形容炎海接火雲升三承病侵陵而思黃梅雨玉

井冰末述奉懷李尚書賦也

水宿遣興奉呈羣公

魯鈍仍多病逢迎遠復迷耳聾酒盡字駸短不勝筓比澤國雖勤

雨炎天竟淺泥小紅還積浪弱纜且長堤歸路非關北行舟却
向西暮年漂泊恨今夕亂離啼童稚頻書札盤飧詎糝藜我行
何到此物理直難齊高枕翻星月嚴城疊鼓鞞風蹕聞虎豹水
宿伴鳧鷖異縣驚虛往同人惜解携蹉跎長汎鷁展轉屢聞雞
疑_二瑚璉器陰_一桃李蹊餘波期救涸費日苦輕齋杖策門闌
遂肩輿羽翻低自傷甘賤役誰愍疆幽棲巨海能無釣浮雲亦
有梯勲庸思樹立語默可端倪贈粟困應指登橋柱必題丹心
老未折時訪武陵溪

鶴曰周禮澤國穀梁傳不雨者動雨也家語孔子藜羹美不糝
李廣傳桃李不言下自成蹊吳周瑜求資糧於魯肅_一家有
兩困米各三千斛肅乃指一困与瑜○此詩大意言多病衰
老而漂泊水宿泛舟望諸公餘波所及而指困然丹心未折

尚欲題柱賦也首自言多病耳聾髮短而不能逢迎時也澤
國多雨炎天淺泥小紅積浪而弱纜且係於長堤也然歸路
行舟非北而却西故漂泊亂離之苦皆在老年豈不悲哉且
童稚頻書札言盤飧詎有糝藜然我行何以致此而物理直
是難齊惟高枕水宿以伴鳧鷖聞虎豹聽鼓鞞耳故異縣驚
其虛往同人惜其解携而蹉跎展轉言水宿久矣次言諸公
瑚璉器桃李蹊且期餘波以救涸者若無日用之輕齋耳我
欲造詣而門闌深邃自傷甘於賤役而羽翻低垂誰能愍之
而強其幽栖乎雖然海可釣雲可梯勲庸思欲樹立語默之
間可見端倪君如指困以贈粟我将登橋而題柱蓋此丹心
老猶未已且時訪武陵溪以暫棲息耳

遺題

地闊平沙岸舟虛小洞房使塵來驛道城日避烏樞暑雨留蒸
濕江風借夕涼行雲星隱見疊浪月光芒螢鑿綠帷徹蛛絲骨
鬚長哀箏猶任几鳴笛竟露裳倚著如秦贅過逢類楚狂氣衝
看劍匣頰脫撫錐囊妖孽關東息兵戈隴右瘡時清疑武略世
亂踣文場餘力浮于海端憂問彼蒼百年後萬事故國耿難忘
洙曰賈誼傳秦人家貧子壯則出贅論語楚狂接輿史記平
原君曰士之處世譬如錐之處囊中其末立見毛遂曰使遂
早得處囊中乃頰脫而出耳非特其末立見而已謝莊月賦
端憂多暇○此詩大意公於舟中歎漂泊而懷故國題曰遣
悶有以哉賦也首言地闊舟虛驛騎之來日烏之往如水東
注無少停留且風雨之涼星月之光螢綠惟蛛骨鬚猶為可
愛至哀箏鳴笛而沾裳矣次言倚著過逢如秦贅楚狂看劍

匣而氣衝撫錐囊而頰脫次言關東隴右兵亂而文士無用
末言餘力將浮海端憂則問天百年內從中萬事之變惟故
國之思不能忘耳

江陵節度使陽城郡王新樓成王請嚴侍御判官賦七
字句同作

樓上炎天冰雪生高飛燕雀賀新成碧窓宿霧濛濛濕朱栱浮
雲細之輕杖鉞寒帷瞻具美投壺散帙有餘清自公多暇延叅
佐江漢風流萬古情

備可曰晉羊球登西樓賦云画棟浮細之輕雲朱栱濕濛
濛之飛雨王逸少見之愛羨竟日漢宗資為中郎將杖鉞將
兵督州郡賈琮為冀州刺史舊典傳車駟駕垂赤帷裳迎於
州界及琮之部升車言曰刺史當遠視廣聽糾察美惡何有

反垂帷裳以自掩塞乎迺命御者褰之百城聞風震悚祭遵
為將軍對酒設樂必雅歌投壺默翁曰前四句言樓成而高
也首題次形容後四句言王事之暇即與參佐從事文物典
籍享用此樓是可見王之所樂與人同其樂者即非獨樂又
非淫樂誠萬古風流之事也

又作此奉衛王。

西北城樓雄楚都遠開山岳散江湖二儀清濁還高下三伏炎
蒸定有無推轂幾年惟鎮靜曳裾終日盛文儒白頭授簡焉能
賦愧似相如為大夫

洙曰漢馮唐傳古者命將跪而推轂曰閫以內寡人制之闔
以外將軍制之鄒陽傳何王之門不可曳長裾乎謝惠連雪
賦梁王遊於兔園授簡於司馬大夫曰為寡人賦之漢藝文

志登高能賦可以為大夫默翁曰前寫樓上之景偉矣二比
前僅形容樓者不同後言王政事鎮靜交際文儒足以享此
樓而自愧不能賦詠也

江邊星月二首

驟雨清秋夜金波耿玉繩天河元自白江浦向來澄照物連珠
斷緣空一鏡升餘光憶更漏况乃露華凝
江月辭風纜江星別霧船雞鳴還曙色鷺浴自晴川歷竟誰
律悠何處圓客愁殊未已他夕始相鮮

舟前對驛近寺。

更深不假燭月朗自明船金刹青楓外朱樓白水邊城烏啼眇
眇野鷺宿娟娟皓首江湖客釣簾獨未眠

舟中

風浪江柳下雨卧驛樓邊結纜排魚網連橋並未船今朝雲細
薄昨夜月清圓飄泊南庭老祗應學水仙
趙曰鮑照詩風浪委松柏雲卧恣天行

秋日荆南述懷三十韻

昔承推獎分媿匪挺生材遲暮宮臣忝艱危哀職陪揚鑣隨日
馭折檻出雲其罪戾實猶活干戈塞未開星霜玄鳥變身世白
駒催伏枕日趨忽扁舟任往來九鑕巴巽火三蟄楚祠雷望帝
傳應實昭王問不迴蛟螭深作橫豺虎亂雄猜素業行已矣浮
名安在哉琴鳥曲怨憤庭鶴舞推頽秋水漫湘竹陰風過嶺梅
苦搖求食尾常曝報息腮結舌防讒柄探腸有禍胎蒼茫步兵
哭展轉仲宣哀飢藉家來愁徵處一杯休為貧士歎任受衆
人哈得喪初難識榮枯劃易該差池分組冕合沓起蒿萊不必

伊周地皆登屈宋才漢庭和異域晉史圻中台霸業尋常體示
臣忌諱災羣公紛戮力聖慮宵徘徊數見銘鍾鼎真宜法斗魁
頭聞鋒鏑鑄莫使棟梁摧盤石圭多剪凶門較少推垂旒資穆
穆祝網但恢恢亦雀翻然至黃龍不假媒賢非夢傳野隱類鑿
顏坏自古江湖客冥心若死灰

師曰唐六典註補闕拾遺武后時置取詩衮職有闕惟仲山
甫補之義以名廣雅玄鳥燕也漢魏豹傳人生一世如白

駒之過隙語鑽燧改火漢樂巴嘗巽酒以救蜀火左傳齊桓
公伐楚責以爾貢苞茅未入及昭王南征而不復司馬子長
書猛虎在檻穽之中搖尾而求食三秦記龍門魚登者化為
龍不登者點額曝腮而反漢書結諫臣之舌又曰盤石之宗
也史成王与弟林虞戲削桐葉為圭曰以此封君淮南子君

命將臣離而行鑿凶門以出史成湯見野張網乃令去其三
面祝曰欲左欲右不用命者乃入吾網老子天網恢恢
遁甲曰赤雀不見則國無賢瑞應圖曰黃龍四龍之長王者
不漉池而漁則遊於池治淮南子魯君欲相顏闔使人以幣
先焉顏闔鑿坏而遁○此詩自言昔蒙推獎之分慚非出類
之才年老忝為宮臣時危叨陪宸職扈從而揚鑣直諫而折
檻雖蒙息免死然亂猶未息柰何星霜之變如白駒之過隙
伏枕行舟自入蜀至下峽忽復九年其間在夔三年望帝之
傳應實昭王之間不田故蛟螭豺虎之猜橫若是而素業浮
名其安在哉於是琴奏烏夜啼曲而庭鶴為舞時也秋水漫
相竹而陰風過嶺梅矣然猶不免搖尾求食曝腮報恩而又
懼讒畏禍是故有步兵之哭仲宣之哀也雖籍米徵杯於處

處不必為貧士之歎從其受衆人之笑而得失榮枯劃然易
以具知矣次言有屈宋之才起蒿萊而分組冕者非一不必
伊周之地也今也若漢廷之和異域晉史之圻中台霸業尋
常體謂出遜于外此宗臣所甚忌諱者苟羣公紛然戮力而
聖慮深宵則數見勒銘鍾鼎以徵功效法斗魁以調元尚願
聞吾君植棟梁以構厦明堂鑄鋒鏑以為田器多剪盤石之
圭以固本少推凶門之轂以息兵穆垂旒恢祝網則亦
雀黃龍之瑞不期而自至若傳說顏闔之賢其能終隱乎哉
自古江湖隱士真心有若死灰言無心於貴惟君王禮羅之
如何耳賦也

江漢

江漢思歸客乾坤一腐儒片雲天共遠永夜月同孤落日心猶

杜秋風病欲蘇古來存老馬不必取長途

趙曰韓非子管仲隰朋從桓公伐孤竹還迷成失道管仲曰老馬之智可用也乃放老馬而隨之遂得行道焉○公自言江漢思歸之客如片雲之與天共遠於永夜則與月同孤雖曰乾坤一腐儒然落日心猶壯且秋風病欲蘇尚堪一用是以古來存老馬不必取長途言不用其力用其智耳賦而此也

遠遊

江閣浮高棟雲長出斷山塵沙連越舊風雨暗荆蠻鴈矯銜盧內猿啼失木間弊裘蘇季子歷國未知還首四句以江浮棟雲出山起興又以塵沙風雨喻亂興而此也後四句以鴈銜蘆比征夫以猿失木蘇季子自比而歎歷國未知還比而賦也

折檻行

嗚呼房魏不復見秦王學士時難美遂青襟曾子困泥涂白馬將軍若雷雷千載少似朱雲人至今折檻空嗚呼嗚公不語宋公語尚憶先皇容直臣

宋曰房之玄齡魏之徵也初太宗為秦王開文學館有十八學士詩青之子於書命夔典樂教曾子受功曰魏龐德常乘白馬與關羽戰射羽中額羽軍謂之白馬將軍夢弼曰漢成帝時朱雲上書乞斬張禹上怒令御史將雲下雲攀殿檻折後當治檻上曰勿易目而輯之以旌直臣鶴曰大曆初杜鴻漸入蜀平崔旰之亂尋表旰為節度使此詩似為崔旰作也公深惜當時朝廷無一人敢言者復按此詩以張禹比杜鴻漸也婁公之婁恐姚字之譌謂姚崇也

秋日荆南送西首降明府辭滋告別奉降尚書頌德叙
懷斐然之作三十韻。

南征為客久西候別君初歲滿歸鳥鳴秋來把鴈書荆門留美
化姜被就離居聞道和親入垂名報國餘連枝不日並八座幾
時除往者胡星李恭惟漢網疎風塵相頌洞天地一丘墟殿瓦
驚鴛鴦宮簾翡翠虛鉅陳推微道槍鼎失儲胥文物陪巡狩親
賢病拮据公時呵獬豸首唱却鯨魚勢慙宗蕭相材非一范睢
屍填太行道血走浚儀渠滄口師仍會函關憤已據紫微臨大
角皇極正乘輿賞後頻我寘殊私再直虛堂之惟高衛霍曾是接
應徐降集翻翔鳳追攀絕衆狙侍臣雙宋工戰榮兩穰首鑿澈
勞懸鏡荒蕪已荷鋤向來披述作重此憶吹噓白髮甘凋喪青
雲亦卷舒經綸功不朽跋涉體何如應訝鮑湖橋常餐占野蔬

十年嬰藥餌萬言猶樵漁揚子淹投閣鄒生惜曳裾但驚飛熠
燿不記改鑿餘煙雨封巫峽江淮略孟諸湯池雖險固遼海尚
填淤努力輸肝膽休煩獨起予

鶴曰石首江陵屬邑薛尚書景僊也永泰大曆間吐蕃再遣
使者來聘以戶部尚書薛景僊往報洙曰班孟堅西都賦周
以鈞陳之位又徵道綺錯揚雄長楊賦木擁槍鼎以為儲胥
公自註秦拜范睢為客卿卒聽其謀使五大夫縮伐魏拔懷
其相秦也東伐韓少曲高平拔之又以其謀縱反間於趙
以馬服子代廉頗大破趙於長平皆睢之謀故以此諸將洙
曰太行山在河北浚儀渠汴河也滄光黃之間水名公自註
公舊執金吾新受羽林前后二將軍夢弼曰衛青霍去
病應之德璉徐公幹公自註石首處見公新文一卷又公

項奉使和吐蕃已見上○此詩秋日荆南送薛石首辭滿而石首得元尚書景僊音問遂頌尚書之德叙自己之懷而勉其努力以輸肝膽平禍亂賦也首言荆南為客秋日別君政當任滿而得尚書兄之音問明府既留美化於荆門將就離居而共被聞道和親以報國昆季不日可會八座何時定除次言往昔安史之亂正當漢網之踈以致二京陷沒四海紛擾天子西幸臣子靡寧次言尚書呵斥逆臣首唱討賊之義是時謀臣如蕭何范雎者非一尚猶填屍走血公督諸節度兵會於滏口以復長安而朝廷之憤已摠紫微皇極以正言復京及即位靈武也次言賞後而尚書義免直廬不特武功高於衛霍而文章直接應徐故集翔鳳絕衆狙而文武如宋玉穰首是以能懸鑿澈去荒蕪也向嘗於明府處披閱尚書

之文而重憶吹簫雖然白髮甘凋喪青雲任卷舒言是矣無心仕宦也而尚書經綸之功已垂不朽今出使和蕃之體何如然我似耽湖橘而占野蔬十年之病萬里之行故淹投閒惜曳裾但驚螢飛不記月易今也烟雨已封巫峽而江淮曾略孟諸矣追言梁宋舊遊也雖天下有金湯之固然遼海幽燕之地猶濁亂未已也故願尚書輸肝膽為國除亂毋煩獨起予而與之言詩也

笑李尚書之芳

漳濱與高里逝水竟同年欲挂留徐劍猶迴憶戴船相知成白首此別間黃泉風雨嗟何及江湖涕泣然修文將管輅奉使失張騫史閣行人在詩家秀句傳客車鞍馬絕旅櫬網蟲懸復塊昭丘遠歸魂素旌偏樵蘇封葬地喉舌罷朝天秋色凋春草王

孫若箇邊

鶴曰尚書唐宗室也安祿山奏為范陽司馬祿山反自拔歸京師廣德初使吐蕃被留二年乃得歸拜禮部尚書改太子賓客薨魏志管輅言顏回卜商為地下修文郎禮骨肉歸復于土潘安仁西征賦地有玄灞素澹水名在長安漢李固曰陛下之有尚書猶天之有北斗也為天喉舌尚書為陛下之喉舌也○此公哭李尚書之芳而作也首言之芳病與葬皆不得見故曰欲掛季札留徐之劍猶回子猷憶戴之船相知至老竟隔黃泉風雨亂離何嗟及矣江湖流落泫然流涕地下脩文將同管輅而詩家之秀句傳奉使吐蕃已失張騫而史閣之行人也在也今尚書之客亭已無鞍馬而旅櫬惟多網蟲復土去昭丘已遠歸魂在素澹之邊禁樵蘇於葬地罷嗟

舌之朝天言其死而葬也今也秋色凋殘春草則王孫其何所之耶賦兼比也

重題

涕灑不能收哭君餘白頭兒童相顧盡宇宙此生浮江雨銘旌濕湖風并逐秋還瞻魏太子賓客咸應劉

公自註公歷禮部尚書薨于太子賓客洙曰蕪城賦歌曰邊風起兮城土寒并逐城兮丘隴殘魏文帝為太子時應瑒劉楨並見友善

獨坐

悲秋回白首倚杖背孤城江斂洲渚出天虛風物清滄溟服裘謝朱紱負平生仰羨黃昏鳥投林羽翮輕

哭李常侍等二首

一代風流盡修文地下深斯人不重見將老失知音短日行梅
嶺寒山落桂林長安若箇畔猶想映貂金

鶴曰唐志左右散騎常侍隸門下中書省皆金蟬珥貂梅嶺
今南安軍桂林今靜江府言李常侍之觀自廣南來也

青瑣陪雙入銅梁阻一辭風塵逢我地江漢哭君時次第尋書
札呼兒檢贈詩教揮王子表不愧史臣辭

涿曰銅梁蜀中縣名安功曰前漢書有王子侯表李常侍宗
室子也

宴王使君宅題二首

漢主追韓信蒼生起謝安吾徒自飄泊世事各艱難逆旅招邀
近他鄉意緒寬不才甘朽質高卧豈泥蟠

涿曰漢高帝入關諸將道亡者數十蕭何聞韓信亡自追之

晉謝安桓温請為司馬將戮高松戲之曰卿屢違朝旨高卧

東山諸人每相与言安石不出將如蒼生何揚子龍蟠于泥

○首言今日世事艱難故吾徒飄泊當如追韓以削亂起謝

以為治次自言不才在他鄉逆旅高卧豈若泥蟠之龍耶乃

蒙使君招邀以寬愁緒感激之詞賦也

况愛容霜鬢留歡卜夜闌自吟詩送老相勸酒開顏戎馬今何

地鄉園獨在山江湖隨清月酌酌任扶還

公自言在它鄉惟吟詩以送老乃蒙使君相愛留歡卜夜以

設宴會勸酒以開我顏今也戎馬未息鄉園何在宴罷扶歸

則月落江湖矣應卜夜開顏等句賦也

久客

羈旅知交態淹留見俗情衰頽聊自哂小吏最相輕去國哀王

祭傷時哭賈生狐狸何足道豺虎正縱橫

洙曰漢書翟公書其門曰一貧一富乃知交態張綱傳豺虎當路安問狐狸○首言久客乃知交態見俗情之相輕惟自哂而已是以去國則哀王祭傷時則哭賈生若小吏者特狐狸爾何足道哉况今正豺虎縱橫言兵亂正甚所可哀可哭者此尔賦而比也

舟中出江陵南浦奉寄鄭少尹審。

更欲投何處飄然去此都形骸元土木舟楫復江湖社稷纏妖氣干戈送老儒百年同棄物萬國盡窮途雨洗平沙淨天衝闊津紆鳴蜩隨汎梗別燕赴秋孤棲託難高卧飢寒迫向隅寂寂相响沫浩蕩報恩珠溟漲鯨波動衡陽鴈影徂南征問懸榻東逝想乘桴濫竊商歌聽時憂下泣誅經過憶鄭驛斟酌旅情孤

鶴曰時公移居公安在江陵之南故云南浦鄭審為江陵少尹洙曰莊子泉涸魚相與處於陸相啣以濕相濡以沫潘岳關中記漢武帝遊昆明池見魚銜鈎取其鈎放之其後魚銜珠以報淮南子審戚欲干齊桓公無以自達於是擊牛角而疾商歌桓公聞之命後車載歸韓非子楚人和氏得玉璞以獻厲王使人相之石也王以為詐削其左足及武王即位又獻之王又以為詐削其右足文王即位和乃抱其璞哭於楚山之下○此公自江陵移居公安而寄江陵鄭少尹也首言更欲投何處而去此都且形骸元似土木舟楫還在江湖盖由社稷為妖氛所纏而干戈斷送老儒故百年之內同為棄物萬國之間盡是窮途其將何所之耶應首二句今也雨洗平沙天衝闊岸鳴蜩隨梗別燕赴孤此何時耶棲託則難

手高卧飢寒則迫乎向隅苟能相向以沫則銜報恩之珠矣
溟漲鯨波東逝而想乘桴衡陽鴈影南征而問下榻濫竊竊
戚商歌之聽時憂和泣王之誅故經過之際惟憶鄭驛以
斟酌旅懷耳賦也

移居公安山館

南國晝多霧北風天正寒路危行木杪身遠宿雲端山鬼吹燈
滅厨人語夜闌雞鳴問前館世亂敢求安

魯曰公安縣屬江陵府吳大帝推蜀先主為左將軍荊州牧
鎮沔口時人踰備為左公曰名曰公安

官亭夕坐戲簡顏子少府

南國調寒杵西江浸日車客愁連蟋蟀亭古帶蕪葭不返青絲
鞚虛燒夜燭蒼老翁湏地主細酌流霞

鶴曰顏乃公安尉也趙曰庾信夜聽搗衣詩調聲不用吟

醉歌行贈公安顏少府請願八題壁

神仙中人不易得顏氏之子才孤標六馬長鳴待駕馭秋鷹整
翮當雲霄君不見東吳顧文學君不見西漢杜陵老詩家筆勢
君不嫌詞翰升堂為君掃是日霜風凍七澤烏蠻落照銜赤壁
酒酣耳熱忘頭白感君意氣無所惜一為歌行歌主客

公自註願况吳人鶴曰漢梅福為南昌尉後得仙子虛賦楚

有七澤蜀舊州地接諸蠻部有烏蠻白蠻赤蠻在鄂州○此
詩首言顏少府如梅福之得仙而其才如天馬之待駕馭秋
鷹之當雲霄皆不易得者末所謂歌主也次言願文學之字
杜陵老之詩為顏少府所喜而升堂為掃詞翰末所謂歌客
也末言時當霜風之凍七澤烏蠻落日之銜赤壁酒酣耳熱

不知老之將至惟感君意氣作歌行以歌主客也入題意賦也

移居公安敬贈衛大郎鈞

衛侯不易得余病汝知之雅量涵高遠清襟照等夷平生感意氣少小愛交辭河海由來合風雲若有期形容勞宇宙質朴謝軒墀自古幽人泣流年壯士悲水煙通徑草秋露接園葵入邑豺狼鬪傷弓鳥雀饑白頭供宴語鳥几伴棲遲交態薄今朝豁所思

趙曰質朴謝軒墀言不復仕於朝也○此詩首言衛侯雅量清襟之知我皆不易得也且其感意氣愛交詞若河海風雲之會合皆所以頌美衛侯者也次自言形容奔馳於宇宙而已老質朴謝絕乎軒墀而不仕自古已來歲月如流則幽人

杜士為之悲泣夫水煙之通徑草秋露之接園葵我之所從奈何入邑有豺狼之鬪傷弓致鳥雀之饑所以白頭供人之宴語鳥几伴我之棲遲若遭交態之薄今也喜得衛侯而豁我所思矣賦也

公安送韋二少府往贛

逍遙公後世多賢送爾維舟惜此筵念我能書數字至將詩不必萬人傳時危兵甲黃塵裏日短江湖白髮前古往今來皆涕淚斷腸分手各風煙

田曰北史韋實養高不仕周明帝誦之曰逍遙公唐宰相世系表韋氏九房以實之後為逍遙公房嗣立之後為小逍遙公房默翁曰首下句分兩截為綱以下次第相承送尔而祝其後如此蓋相愛相知之深矣三四承此筵言世亂身危古

今共悲者也而吾二人適不幸無此二者而離別如之何而不為斷腸哉

贈虞十五司馬

遠師虞秘監今喜識玄孫形象丹青遍家聲器宇存淒涼憐業勢浩蕩問解源爽氣金天豁清談玉露繁佇鳴南嶽鳳欲化北冥鯤交態知浮俗儒流不異門過逢連客位日夜倒芳樽沙岸風吹葉雲江月上軒百年嗟已半四座敢辭喧書籍終相與青山隔故園

宋曰董仲舒有玉杯繁露劉公幹詩鳳凰集南嶽徘徊孤竹根沈休文詩客位紫苔生魏志蔡邕奇王祭聞其至門倒屣迎之一座盡驚邕曰此王公孫也有異才吾不如也吾家書籍盡當與之○此詩首言虞世南予所師法今喜識其玄孫

而形象家聲華勢詞源爽氣清談儼乎不隊其緒故傳其若鳳之鳴鯤之化賦而比也次言流俗交態之輕而儒門自別故連客位倒芳樽沙岸雲江之風月我雖衰老不敢辭喧然吾家書籍終當相與如蔡邕之於王祭柰何故園為青山所障阻耶賦也

公安縣懷古

野曠呂蒙營江深劉備城寒天催日短風浪與雲平灑落君臣契飛騰戰伐名維舟倚前浦長嘯一含情

鄭曰吳孫權封呂蒙為孱陵侯即公安在漢為孱陵縣○言在公安見劉備城則懷其君臣之契合今則深江惟風浪與雲平耳見呂蒙營則懷其戰伐之名諒今則曠野惟寒天催日短耳故維舟於前浦為之含情而長嘯焉賦也

呀鶻行。

病鶻孤飛俗眼醜，每夜江邊宿。衰柳清秋落日已，側身過鴈歸。
鷓鴣錯回首，緊腦雄姿迷。所向踈翻稀，毛不可杜。彊神迷復早，鷓
前後才早在蒼鷹。上風濤颯，寒山陰熊罴。欲執龍蛇深念尔，
此時有一擲，失聲殘血非其心。

復按此詩言呀鶻雖病尚堪一擲，以比壯士雖在困厄尚堪
用之云爾，賦兼比也。

公安送李二十九弟晉肅入蜀，余下沔鄂。

正解牋來纜，仍看蜀道行。檣烏相背發，塞鴈一行鳴。南紀連銅
柱，西江接錦城。憑將百錢下，飄泊問君平。

夢弼曰：晉肅即李賀，多父誅曰紫菜里，在江州銅柱。在交趾
錦城，成都府也。趙曰：漢嚴君平賣卜於成都市，日閱數人得

百錢，足自養，則閑肆下簾。

北風

北風破南極，朱鳳日威垂。洞庭秋欲雪，鴻鴈將安歸。十年殺氣
盛，六合人煙稀。吾慕漢初老，時清猶茹芝。

憶昔行

憶昔北尋小有洞，洪河怒濤過輕舸。辛勤不見華蓋君，良岑青
輝慘兮麻子崖無人。萬壑靜，三步回頭五步坐。秋山眼冷魂未
歸，山賞心違淚交墮。弟子誰依白茅室，盧老獨啓青銅鎖。巾拂
香餘搗藥塵，階除灰死燒丹火。玄圃滄洲莽空闊，金節羽衣飄
婀娜。落日初霞閃餘暎，倏忽東西無不可。松風澗水聲合時，青
兕黃熊啼向我。徒然咨嗟撫遺跡，至今冥想仍猶左。祕訣隱文
須內教，晚歲何功使願果。更討衡陽董鍊師，南遊卓鼓瀟湘柂。

須溪謂此憶昔與音遊皆託方外也言憶昔尋王屋山小有洞天乘輕舸辛勤以過洪河欲謁華君而君已死是以良岑之青輝乃憐予小子蓋千巖萬壑無人而寂靜三步五步面頰以坐秋山望君眼冷而魂招不來欲為仙賞而事與願違所以淚交墮焉此一節言欲謁華君適值君死而悲傷之賦也本趙說次四句言君之弟子惟盧老依茅屋乃開鎖以延我其中拂上乃君杵藥塵之餘香階除間乃君燒丹火之死灰次言小有洞景物之妙次言松風澗水之聲青兕黃熊之啼而皆向我於是撫遺跡而咨嗟亦徒然矣故至今夢想之仍前猶左而不順以上皆憶昔日仙賞心違之事末章趙氏以為求仙須得有功行而傳秘訣既不見華蓋詰却思南遊而訪董鍊師也須溪云便謂真遊與事董殆癡人前說

夢其知言矣興也

送顧八分文學適洪吉州

中郎石經後八分蓋惟粹顧侯運鑄鑄力破餘地昔在開元中韓蔡同巔顧顯玄宗妙其書是以數子至御札早流傳揄揚非造次三人並入直恩澤各不二顧於韓蔡內辨眼工小字分日示諸王鉤深法吏祕文學與我遊蕭疎外聲利追隨二十載浩蕩長安醉高歌卿相宅文翰飛省寺視我揚馬間白首不相棄驂駟入窮巷必脫黃金轡一論朋友難遲暮敢失墜古來事反覆相見橫涕泗嚮者玉珂人誰是青雲器才盡傷形體病渴汚官位故舊獨依然危時話顛躓我甘多病老子負憂世志胡為困衣食顏色少稱遂遠作苦辛行順從無多意舟楫無根帶蛟鼉好為崇况兼水賊繁特戒風颯駛崩騰戎馬險往殺長吏

子干東諸侯勤勉防縱恣那以民為本魚飢費香餌請衰瘡痍
深告訴皇華使臣精所擇進德知歷試測隱誅求情固應賢
愚異列上惡苟得俊傑思自致贈子猛虎行出郊載酸鼻

殊曰後漢蔡邕為中郎將熹平中表求正定六經文字靈帝
許之邕乃書丹於碑使工鐫刻立於太學門外貞觀中得邕
石經數板皆八分書韓擇木蔡有隣美尺分開元時人顧侯
謂顧誠奢也觀其遺蹟乃知子美弗虛稱之師曰書苑明皇
工八分章草豐茂英特張說獻詩明皇於彩牋上八分書讚
曰德重和鼎功逾濟川詞林秀茂翰苑光鮮所謂御札流傳
者此也鶴曰按史吐蕃寇邠靈州又商州兵馬使劉洽殺殷
仲卿幽州兵馬使朱希彩殺節度使李懷仙陸士衡猛虎行
渴不飲盜泉水熱不息惡木陰惡木豈無枝志士多苦心○

此詩首言顧之工八分在開元間與擇木有鄰齊名次言玄
宗好八分是以顧韓蔡三人入直御札輪揚之而思澤不殊
也次言顧於二子特工小字而法更秘分日以示諸王其見
重於玄宗如此賦也以上皆言顧得八分之妙次言顧之外
聲利與我交遊二十年惟醉酒高歌而詞翰俱有名於卿相
間至老不相棄昔次言驂駟脫轡以興朋友之艱難年老不
敢失墜自古以來世事反覆相見惟橫涕淚向者貴人誰是
青雲之器以上言公與顧交遊之契賦也次自言才盡而傷
形體病渴而汚官位惟故舊於危時獨依然共話顛躓次言
我老甘於多病而吾子負憂世之志乃困於衣食而辛苦遠
行順從人意然舟楫無根而蛟鼉好為禍崇况兼水賊既多
風颯又急且戎馬中往上殺長吏而崩騰險阻今吾子往洪

吉州而干東諸侯宜勤勉以防縱恣此一節應胡為困衣食
顏色少稱遂大抵國以民為本魚飢則費香餌猶言民以食
為天也欲顧告訢皇華使請哀吾民之瘡痍使之精所擇然
能顧誅求而惻隱者賢指之心也務刻剝以聚斂者小人之
心也故曰固宜賢愚異此一節應子負憂世志與上節皆其
勉之詞末章四句亦然

留別公安太易沙門

隱居欲就廬山遠艱藻初逢休上人數問舟航留製作長開篋
筭擬心神沙村白雪仍含凍江縣紅梅已放春先踏鑪峰置蘭
若徐飛錫杖出風塵

洙曰晉惠遠師居廬山有香鑪峰僧思休姓汲能詩默翁
曰詩以首聯為綱次承艱藻句言休與高唱和頻密如此三

四承隱居句言吾今冬先往鑪峰為尔僧地以待其來也

曉發公安數月憩息此縣

北城擊柝復欲罷東方明星亦不遲鄰雞野犬如昨日物色生
態能幾時舟楫眇然自此去江湖遠適無前期此門轉眄已陳
迹藥餌扶吾隨所之

默翁曰首曉也次曉有所感生意無幾非可久處也三遂發
公安矣且感歎吾奔馳未有定向故隨所往惟賴藥餌扶吾
之病軀耳

發劉郎浦

挂帆早發劉郎浦疾風颯々昏亭午舟中無日不沙塵岸上空
村盡豺虎十日北風々未迴客行歲晚猶相催白頭厭伴漁人
宿黃帽青鞋歸去來

鮑曰十道志劉郎浦在荊州先主納吳女處

別董題

窮冬急風水逆浪開帆難士子甘旨關不知道里寒有求彼樂
土南適小長安別我舟楫去覺君衣裳單素聞趙公節兼盡賓
主歡已結門閭望無令霜雪殘老夫纜亦解脫粟朝未食飄蕩
兵甲際幾時懷抱寬漢陽頗寧靜峴首試考槃當念著白帽采
薇青雲端

趙曰小長安鄧州也見光武紀註趙公鄧守也齊王孫賈事
齊閔王失王之處其母曰汝朝出而晚來則吾倚門而望汝
暮出而不還則吾倚閭而望漢公孫弘食晚粟飯○此詩別
董言其母老家貧將往鄧州謁趙守且恐其早歸以慰倚門
之望末乃自叙其所之賦也

幽人

孤雲亦羣遊神物有所歸麟鳳在赤霄何當一來儀生與息詢
羣中年滄洲期天高無消息棄我忽若遺內懼非道流幽人見
瑕疵洪濤隱語咲鼓楫蓬萊池崔嵬扶桑日照耀珊瑚枝風帆
倚翠蓋暮把東皇衣嘒漱元和津所思煙霞微知名未足稱局
促高山芝五湖復浩蕩歲暮有餘悲

孝祥曰中黃經但服元和除五穀必獲寡天得其錄註服元
和謂嘒津液○此詩以孤雲神物起興而懷幽人之不我顧
乃自懼已非道流而幽人之所以見瑕疵隱咲語於蓬萊池
也次六句應滄洲期等句而所思煙霞之分耶末章自言
年老不能隱去而有餘悲賦也

泊岳陽城下

江國輸千里山城僅百層岸風翻夕浪舟雪灑寒燈留滯才難盡艱危氣益增圖南未可料變化有鯢鰲

鶴曰岳陽岳州也居天岳山防故云史儒夫增氣

續船苦風戲題四韻奉簡鄭十三判官泛

東岸朔風疾天寒鷓鴣呼漲沙糴草樹舞雪渡江湖吹帽時落維舟日孤日聲置驛外為覓酒家壚

登岳陽樓

昔聞洞庭水今上岳陽樓吳楚東南圻乾坤日夜浮親朋無一字老病有孤舟戎馬關山北憑軒涕泗流

唐子西云過岳陽樓觀子美詩不過四十字耳氣象閑放涵蓄深遠殆与洞庭爭雄所謂富哉言乎太白退之輩率為大篇極其筆力終不逮也○首言登岳陽樓乃見洞庭之巨浸

次言遭亂流寓惟托孤舟而親朋消息不通故憑軒流涕耳賦也

奉送魏六文佑少府之交廣

賢豪養真經綸功成空名垂子孫不振耀歷代皆有之鄭公四葉孫長大常苦飢衆中見毛骨猶是麒麟兒磊落貞觀事致君樸直詞家聲蓋六合行色何其微遇我蒼梧陰忽驚會面稀議論有餘地公侯來未遲虛思黃金貴自咲青雲期長卿久病渴武帝元同時季子黑貂弊得無妻嫂欺尚為諸侯客獨屈州縣卑南遊炎海甸浩蕩從此辭窮途仗神道世亂輕土宜解帆歲云暮可與春風歸出入朱門家華屋刻蛟螭玉食亞王者樂張遊子悲侍婢豔傾城綃綺輕霧霏掌中璫玳鍾行酒雙逶迤新歡繼明燭梁棟星辰飛兩情願眇合珠碧贈於斯上貴見肝膽下

貴不相疑心事披寫間氣酣達所為錯揮鐵如意莫避珊瑚枝
始兼逸邁興終慎賓主儀戎馬聞天宇嗚呼生別離

洙曰鄭公魏徵也師曰輕土軍謂去鄉土也書惟辟王食晉
石崇與王愷爭豪武帝助愷以珊瑚樹賜之高二尺許愷以
示崇以便以鐵如意揮之應手而碎○首四句歎賢者之子
若孫不振歷代皆然以起下文次言佑乃鄭公四世孫雖苦
貧然毛骨特異吁家聲若此而行色若彼應首四句次言相
遇於潭岳之間而驚聞闊然佑論議有餘而名爵未遲故虛
思而自笑也次以長卿自比以季子比佑然佑雖屈於州縣
之卑職尚為諸侯之客今南適交廣後此辭別其曰浩蕩則
相會未有期也雖然世亂途窮去值歲莫歸及春時可也出
入朱門家至莫避珊瑚枝應尚為諸侯客末章既以兼逸邁

興稱之復以慎賓主儀規之且曰世亂而傷生別之苦應後
此辭及途窮世亂等句賦也

冬晚送長孫慚舍人歸州

參卿休坐幄湯子不歸鄉南客瀟湘外西戎鄆杜傍
衰年傾蓋晚費日繫舟長會面思夫木金須逐去
檣雲晴鷗更舞風送鴈無行匣裏雌雄劍吹毛任選擇

希曰漢書運籌帷幄公嘗為參謀故云參卿休坐幄古詩湯

子行不歸鄆縣杜陵俱在長安吳越春秋干將莫耶之劍能
決吹毛游塵

歲晏行

歲云暮矣多北風瀟湘洞庭白雲中漁父天寒網罟凍莫徭射
鴈鳴桑弓去年米貴關軍食今年米賤大傷農高馬達官厭酒

肉此輩枵腹空楚人重魚不重鳥汝休枉殺南飛鴻况聞
處之當男女割慈忍愛還租庸往日用錢捉私鑄今許鉛錫和
青銅刻泥為之最易得好惡不合長相象萬國城頭吹畫角此
曲哀怨何時終

注曰隋地志長沙郡雜有夷蠻名曰莫徭自言其先祖有
功常免徭役故以為名**注**曰唐制授人以口分世業田凡授
田者丁歲納粟稻謂之租用人之力不過二十日不役者日
為絹三尺謂之庸又盜鑄者死沒其家屬至天寶間盜鑄益
甚雜以鐵錫無復錢形○此詩蓋傷當時尸位苟祿不恤民
隱而政令廢弛興而賦也首四句言荆楚歲旱天寒網凍而
射鴈興也次四句言米之貴賤民用之絕而上官不恤也
次四句前二句應首章後二句應次章賦也次四句言盜鑄

先禁後不為惡不同言政令廢弛也末章乃指角聲而言萬
國之哀怨何時終極耶

讀杜詩思得卷之十六

圖書集成

本言卷一

カテ

